ЎЗБЕКИСТОН РЕСПУБЛИКАСИ НОМИДАН ХАЛ ҚИЛУВ ҚАРОРИ

Гулистон шахри

2024 йил 28 март

Гулистон туманлараро иктисодий суди, судья М.Холиков раислигида, судья ёрдамчиси Ю.Абизовнинг суд мажлиси котиблигида, даъвогар вакили У.Курбанов (2-сонли ишончнома асосида), Сирдарё вилояти Ғазначилик хизмати бошқармаси вакили У.Норматов (2024 йил 5 январдаги 01-09/35-4-сонли ишончнома асосида) иштирокида, Ўзбекистон Республикаси Савдосаноат палатаси Сирдарё вилояти худудий бошқармасининг даъвогар "INNAVATION-OUTSOURCING-SERVICE" масъулияти чекланган жамияти манфаатида жавобгар Гулистон тумани мактабгача ва мактаб таълим бўлими хисобидан 2 435 319 192,85 сўм қарз ундириш тўгрисидаги даъво аризаси бўйича қўзғатилган иктисодий ишни ўз биносида, очик суд мажлисида кўриб чикиб, куйидагиларни

АНИКЛАДИ:

Ўзбекистон Республикаси Савдо-саноат палатаси Сирдарё вилояти худудий бошқармаси (палата) даъвогар "INNAVATION-OUTSOURCING-SERVICE" масъулияти чекланган жамияти (даъвогар) Гулистон туманлараро иқтисодий судига жавобгар Гулистон тумани мактабгача ва мактаб таълим бўлимига (жавобгар) нисбатан даъво аризаси билан мурожаат қилиб, жавобгар ҳисобидан 2 435 319 192,85 сўм асосий қарзни ундиришни сўраган.

Суднинг 2024 йил 4 мартдаги ажрими билан Сирдарё вилояти Fазначилик хизмати бошқармаси ва Сирдарё вилояти Иқтисодиёт ва молия бош бошқармаси низонинг предметига нисбатан мустақил талаблар билан арз қилмайдиган учинчи шахс сифатида ишда иштирок этишга жалб қилинган.

Суд мажлисида иштирок этган даъвогар вакили даъво аризани қўллаб қувватлаб, ундаги важларни такрорлаб, тарафлар ўртасида тузилган 2023 йил 1 апрелдаги 3-сонли ва 4-сонли шартномалар ғазначиликдан рўйхатдан ўтказилмаганлиги, шартномлар танлов ўтказилмасдан тузилганлиги, бирок шартномалар доирасида ишлар бажарилганлигини баён қилиб, даъво аризани қаноатлантиришни сўради.

Суд мажлисида иштирок этган Сирдарё вилояти Ғазначилик хизмати бошқармаси вакили даъво ариза юзасидан қарор қабул қилишни судга ҳавола қилишини маълум қилди.

2024 йил 25 мартда ўтказилган суд мажлисида иштирок этган жавобгар шартномалар ғазначиликдан рўйхатдан ўтказилмаганлиги, бўлимларидан рўйхатдан ўтказиш жавобгар шартномаларни ғазначилик талабини зиммасида бўлганлиги, даъво тан олиши, хақиқатда 2 435 319 192,85 сўм қарздорлик мавжуд эканлиги, жавобгарнинг хисобида пул маблағлари мавжуд эмаслиги, шу сабабли қарзни сўндиришни имкони йўқлиги, хозирда жавобгар билан 2024 йил учун хам шартномалар имзоланганлигини баён қилиб, ёзма фикр такдим этиб, даъво аризани қаноатлантиришни сўради.

2024 йил 25 мартда ўтказилган суд мажлисида иштирок этган Палата вакили даъво аризани қўллаб қувватлаб, уни қаноатлантиришни сўради.

2024 йил 28 мартда ўтказилиши белгиланган суд мажлисининг вақти ва жойи тўғрисида тегишли тарзда хабардор қилинган Палата, жавобгар ва Сирдарё вилояти Иқтисодиёт ва молия бош бошқармаси вакиллари суд мажлисига келмади.

Ўзбекистон Республикаси Иқтисодий процессуал кодекси (кейинги ўринларда — ИПК) 170-моддасининг учинчи қисмига асосан иш мухокамасининг вақти ва жойи тўғрисида тегишли тарзда хабардор қилинган жавобгар, учинчи шахслар суд мажлисига келмаса, низо уларнинг йўқлигида ҳал қилиниши мумкин.

Шу сабабли суд ишни Палата, жавобгар ва Сирдарё вилояти Иктисодиёт ва молия бош бошкармаси вакил (лар)и иштирокисиз кўриб чикишни лозим топади.

Суд, ишда иштирок этувчи тарафлар вакилларининг тушунтиришларини тинглаб, ишдаги мавжуд ва суд муҳокамаси жараёнида тақдим этилган ҳужжатларни ўрганиб чиқиб, қуйидаги асосларга кўра даъвогарнинг даъво аризасини қаноатлантиришни рад қилишни, ўз ташаббуси билан битимнинг ҳақиқий эмаслигининг оқибатларни қўллашни, ишни кўриш билан боғлиқ суд ҳаражатларини даъвогар зиммасига юклашни лозим топади.

ИПК 13-моддасининг биринчи қисмига асосан суд ишларни Ўзбекистон Республикаси Конституцияси ва қонунлари, бошқа қонунчилик хужжатлари, шунингдек Ўзбекистон Республикасининг халқаро шартномалари асосида ҳал қилади.

Ўзбекистон Республикаси Фуқаролик кодекси (ФК) 8-моддасининг биринчи қисмига мувофиқ фуқаролик ҳуқуқ ва бурчлари қонунчиликда назарда тутилган асослардан, шунингдек фукаролар ҳамда юридик шахсларнинг, гарчи қонунчиликда назарда тутилган бўлмаса-да, лекин фуқаролик қонунчилигининг умумий негизлари ва мазмунига кўра фуқаролик ҳуқуқ ҳамда бурчларни келтириб чиқарадиган ҳаракатларидан вужудга келади.

ФК 234-моддасининг иккинчи қисмига биноан мажбуриятлар шартномадан, зиён етказиш натижасида ҳамда ушбу Кодексда кўрсатилган бошқа асослардан келиб чиқади.

ФК 631-моддасининг биринчи қисмига кўра, пудрат шартномаси бўйича бир тараф (пудратчи) иккинчи тараф (буюртмачи)нинг топширинга биноан маълум бир ишни бажариш ва унинг натижасини буюртмачига белгиланган муддатда топшириш мажбуриятини олади, буюртмачи эса иш натижасини қабул қилиб олиш ва бунинг учун ҳақ тўлаш мажбуриятини олади. Агар қонунчиликда ёхуд тарафлар келишувида бошқача тартиб назарда тутилган бўлмаса, ишни бажариш учун пудратчи таваккал қилади.

Иш хужжатлари ва ишда иштирок этувчи шахсларнинг тушунтиришларидан мактабгача аникланишича, Давлат таълим ташкилотларида соғлом овкатлантиришни аутсорсинг усулида ташкил этиш бўйича танлов комиссияси йиғилишининг 2021 йил 17 ноябрдаги 20-сонли баёнига кўра, Ўзбекистон Республикаси Вазирлар Махкамасининг "Давлат мактабгача ташкилотларида овқатлантириш тизимини такомиллаштиришнинг соғлом қўшимча чора-тадбирлари тўғрисида" 2021 йил 30 июндаги 407-сонли қарори ижросини таъминлаш максадида Мактабгача таълим вазирининг "Давлат мактабгача таълим ташкилотларида соғлом овқатлантириш тизимини такомиллаштиришнинг қушимча чора-тадбирлари туғрисида" 2021 йил 5 июлдаги

123-сонли буйруғи қабул қилинган. Ушбу қарор ва буйруқ ижросини таъминлаш мақсадида Мактабгача таълим вазирлиги томонидан 1 576 та давлат мактабгача таълим ташкилотлари болаларни овкатлантиришни аутсорсинг усулида ташкил этиш учун 342 та лотлар бўйича, хусусан Сирдарё вилоятида 33 та лотлар (180-212 лотлар) бўйича 165 та давлат мактабгача таълим ташкилотлари учун танлов эълон қилинган. Танлов матни Мактабгача таълим вазирлигининг веб сахифасига 2021 йил 6 октябрь куни жойлаштирилган. Танлов натижаларига асосан 186 ва 186-лотлар бўйича 9 фоиз устама билан хизмат кўрсатиш оркали даъвогар голиб деб топилган. Мазкур йигилиш баёнининг 5-бандига биноан Сирдарё вилояти мактабгача таълим бошкармаси бошлиғи Д.Дустов, Гулистон, Ширин, Янгиер шахар ва Боёвут, Гулистон, Мирзаобод, Околтин, Сайхунобод, мактабгача туманлари таълим бўлими 2022 йилнинг 1 январь кунидан танловда ғолиб бўлган тадбиркорлар билан 1 йил муддатга шартномалар имзолаш хамда тадбиркорлар томонидан аутсорсинг хизматини кўрсатиш учун таклиф этилган устама микдори, улар томонидан киритилиши белгиланган инвестиция мажбуриятлари микдори ва муддатлари аник кўрсатилган бўлиши лозимлиги, аутсорсер компания томонидан кўрсатилган хизматлар учун маблағларни туман (шаҳар) мактабгача таълим бўлимлари томонидан ўз вақтида ўтказиб берилишини таъминлаш белгиланган бўлиб, 186-лотга Гулистон туманидаги 1,3,5,8,9-сонли ва 188-лотга Гулистон туманидаги 4,7,10,13,14,15,23-сонли давлат мактабгача таълим ташкилотлари киритилган.

Шу боис, Гулистон туманидаги 1,3,5,8,9-сонли ва 4,7,10,13,14,15,23-сонли давлат мактабгача таълим ташкилотларида аутсорсинг усулида соғлом овқатлантиришни ташкил этиш бўйича тарафлар ўртасида 2022 йил 5 январда тузилган 1-сонли ва 2-сонли шартномалар расмийлаштирилган ва даъвогар томонидан юкорида қайд этилган давлат мактабгача таълим ташкилотларида аутсорсинг усулида соғлом овқатлантиришни ташкил этиш бўйича ишлар бажарилган ва хизматлар кўрсатилган. Мазкур шартномаларнинг амал қилиш муддати 2022 йил 31 декабрга қадар бўлган.

Бироқ, тарафлар ўртасида тузилган 2022 йил 5 январда тузилган 1-сонли ва 2-сонли шартномаларнинг амал қилиши 2022 йил 31 декабрга қадар бўлса-да, даъвогар 2023 йил давомида аутсорсинг усулида соғлом овкатлантиришни ташкил этиш хизматларини давом эттириб, тарафлар ўртасида 2023 йил 1 апрелда 186-сонли лот бўйича 3-сонли, 188-сонли лот бўйича 4-сонли шартномалар расмийлаштирилиб, юкорида қайд этилган шартномаларга асосан даъвогар томонидан жавобгарга 2024 йил 1 январгача жами 2 435 319 192,85 сўмлик аутсорсинг хизматлари кўрсатилган.

Даъвогар томонидан бажарилган ишлар ва кўрсатилган хизматлар учун жавобгар томонидан эътироз билдирмасдан солиштирма далолатнома ва бошқа ҳужжатлар тасдиқланган.

Даъвогарнинг даъво аризасида ва унинг вакилининг берган тушунтиришлари, шунингдек тарафлар ўртасида 2024 йил 4 январь холатига имзоланиб тасдикланган солиштирма далолатномага жавобгарнинг муддати ўтган қарздорлиги 2 435 319 192,85 сўмни ташкил этган хамда ушбу қарздорликни тўлаб бериш юзасидан даъвогарга жавобгарга талабнома юборган.

Бироқ, жавобгар даъвогар томонидан юборилган талабномани натижасиз қолдирганлиги сабабли, даъвогар судга даъво аризаси билан мурожаат қилиб, жавобгар хисобидан 2 435 319 192,85 сўм қарздорлик ундиришни сўраган.

"Давлат харидлари тўғрисида"ги Ўзбекистон Республикаси Қонуни (бундан буён матнда Қонун деб юритилади) 2-моддаси биринчи қисмининг 3-хатбошисига асосан ушбу Қонуннинг амал қилиши давлат буюртмачиларининг хўжалик фаолиятини юритиш чоғида амалга ошириладиган давлат харидларига нисбатан татбиқ этилади.

Қонун 19-моддасининг биринчи қисмига биноан ушбу Қонун мақсадлари учун бюджет буюртмачилари деганда давлат органлари ва муассасалари, бюджет ташкилотлари, харид қилиш тартиб-таомилларини амалга ошириш учун йўналтириладиган бюджет маблағларини олувчилар, давлат мақсадли жамғармалари, бюджет ташкилотларида ташкил этилган бошқа жамғармалар тушунилади.

Ўзбекистон Республикаси Вазирлар Маҳкамасининг 2019 йил 25 июлдаги 626-сонли қарори билан тасдиқланган "Давлат мактабгача таълим ташкилотларида аутсорсинг усулида соғлом овқатлантиришни ташкил этиш тартиби тўғрисида"ги Низом (бундан буён матнда Низом деб юритилади)нинг 1-бандига кўра, ушбу Низом давлат мактабгача таълим ташкилотларида аутсорсинг усулида соғлом овқатлантиришни ташкил этиш тартибини белгилайди.

Низомнинг 10-бандига асосан ташкилотда аутсорсинг усулида овкатлантириш мазкур карор билан таркиби тасдикланган Танлов комиссияси (кейинги ўринларда — Комиссия) томонидан ўтказиладиган танлов асосида ташкил этилади.

Низомнинг 11-бандида Комиссия таркиби ушбу Низомга 1-иловага мувофик тарзда тузилиши, Вазирликлар ва идоралардан комиссия таркибига киритиладиган мутахассислар ва улар тўгрисидаги маълумотлар (Ф.И.О., лавозими, телефон раками, электрон манзиллари) ҳар йили Мактабгача таълим вазирлигининг мурожаатига асосан 5 кун муддатда ажратилишини таъминлаши белгиланган.

Низомнинг 21-22-бандларида комиссия қарори асосида туман (шаҳар) мактабгача таълим бўлимлари билан аутсорсер ўртасидаги шартнома бир йил муддатга тузилиши, агар аутсорсер томонидан танловдаги таклифларига кўра маблағлари белгиланган муддатларда инвестиция тўлиқ киритилганда, ўз фаолиятида санитария коидалари, нормалари ва гигиена нормативларига мувофик амалга оширганда, кузатув кенгаши ва ота-оналар томонидан эътирозлар бўлмаганда, Комиссия томонидан шартнома муддати келгуси йилларга узайтирилиши мумкинлиги белгиланган.

ИПКнинг 68-моддаси биринчи қисмида асосан ишда иштирок этувчи ҳар бир шахс ўз талаблари ва эътирозларига асос қилиб келтираётган ҳолатларни исботлаши кераклиги, учинчи қисмида эса ишда иштирок этувчи ҳар бир шахс ўз талаблари ва эътирозларига асос қилиб келтираётган далилларни ишда иштирок этувчи бошқа шахслар олдида, агар ушбу Кодексда бошқача тартиб белгиланмаган бўлса, суд мажлиси бошлангунига қадар ёки суд белгилаган муддат доирасида очиб бериши лозим

Бироқ, даъвогар томонидан 2023 йил учун Низом асосида фаолият юритувчи давлат мактабгача таълим ташкилотларида аутсорсинг усулида овкатлантиришни ташкил этиш бўйича танлов комиссияси ташкил килинганлиги, айнан мазкур Комиссия томонидан шартнома муддати 2023 йилга узайтирилганлиги ёхуд 2023 йил учун аутсорсинг усулида овкатлантиришни ташкил этиш бўйича

ўтказилган янги танловнинг ғолиби бўлганлигини тасдикловчи хужжат такдим килинмади.

Бундан ташқари, даъвогар томонидан ўз фаолиятида санитария қоидалари, нормалари ва гигиена нормативларига мувофик амалга оширганлиги, кузатув кенгаши ва ота-оналар томонидан эътирозлар бўлмаганлигини тасдикловчи хужжатлар такдим килинмади.

Узбекистон Республикаси Олий хўжалик суди Пленумининг "Иктисодий судлар томонидан қурилиш пудрати шартномасидан келиб чиқадиган низоларни хал этишда қонун хужжатларини қўллашнинг айрим масалалари тўгрисида" 2023 йил 23 декабрдаги 306-сонли Пленум қарорининг 4-банди биринчи хатбошисида, агар қонун хужжатларида қурилиш пудрати шартномаси фақат танлов, тендер, ягона етказиб берувчи ошириладиган давлат харидлари натижалари асосида тузилиши назарда тутилган бўлиб, шартнома савдолар ўтказилмасдан тузилган бўлса, бундай битим ФКнинг 116-моддасига асосан ўз-ўзидан хакикий эмаслиги, учинчи ва тўртинча хатбошисида агар қонун хужжатларида бошқача қоида назарда тутилмаган бўлса, танлов (тендер) савдолари натижалари бўйича тузилган шартнома шартларини тарафларнинг келишуви билан ўзгартиришга йўл қўйилмаслиги, танлов (тендер) савдолари натижалари юзасидан тузилган шартномага тарафларнинг келишувига асосан киритилган ўзгартиришлар ўз-ўзидан хакикий эмаслиги тушунтиришлар берилган.

Ўзбекистон Республикаси Олий хўжалик суди Пленумининг "Иқтисодий судлар томонидан битимларни ҳақиқий эмас деб топиш тўғрисидаги фуқаролик қонун ҳужжатлари нормаларини қўллашнинг айрим масалалари тўғрисида" 2014 йил 28 ноябрдаги 269-сонли қарорининг 6-бандига кўра, ФК 113-моддасининг биринчи қисмига мувофиқ, битим ФКда белгилаб қўйилган асосларга кўра, суд ҳақиқий эмас деб топганлиги сабабли ёки бундай деб топилишидан қатъи назар, у ўз-ўзидан ҳақиқий бўлмаганлиги сабабли ҳақиқий эмас деб ҳисобланади.

ФКнинг 116-моддаси мувофиқ қонунчиликнинг талабларига мувофиқ келмайдиган мазмундаги битим, шунингдек ҳуқуқ-тартибот ёки ахлоқ асосларига атайин қарши мақсадда тузилган битим ўз-ўзидан ҳақиқий эмасдир. Бундай битимга нисбатан ушбу Кодекс 114-моддасининг иккинчи қисмида назарда тутилган қоидалар қўлланилади.

ИПКнинг 74-моддасига кўра,с уд далилларга ишнинг барча ҳолатларини жамлаб, уларни суд мажлисида қонунга амал қилган ҳолда ҳар томонлама, тўлиқ ва холис кўриб чиқишга асосланган ўз ички ишончи бўйича баҳо беради. Ҳар бир далил ишга алоҳадорлиги, маҳбуллиги ва ишончлилиги нуҳтаи назаридан, далилларнинг йиғиндиси эса, етарлилиги нуҳтаи назаридан баҳоланиши лозим. Агар текшириш натижасида далилнинг ҳаҳиҳатга тўғри келиши аниҳланса, у ишончли деб тан олинади.

Юқоридагиларга кўра, даъвогар томонидан Низом талабларига асосан 2023 йил учун ўтказилган танлов ғолиби бўлганлиги ёки Низом асосида ташкил этилган Комиссиянинг қарори билан шартномаларнинг муддати 2023 йилга узайтирилганлиги тўғрисида ҳужжатлар тақдим қилинмаганлигини инобатга олиб, тарафлар ўртасида расмийлаштирилган 2023 йил 1 апрелдаги 3 ва 4-сонли шартномалар ўз-ўзидан ҳақиқий эмас деб ҳисобланганлиги сабабли даъвогарнинг даъво талабини қаноатлантиришни рад қилишни лозим топади.

ФКнинг 114-моддасида ҳақиқий бўлмаган битим унинг ҳақиқий эмаслиги билан боғлиқ бўлган оқибатлардан ташқари бошқа юридик оқибатларга олиб келмайди ва у тузилган пайтидан бошлаб ҳақиқий эмаслиги, битим ҳақиқий бўлмаганида тарафларнинг ҳар бири бошқасига битим бўйича олган ҳамма нарсани қайтариб бериши, олинган нарсани аслича (шу жумладан олинган нарса мол-мулкдан фойдаланиш, бажарилган иш ёки кўрсатилган хизмат билан ифодаланганда) қайтариб бериш мумкин бўлмаганида эса, агар битим ҳақиқий эмаслигининг бошқа оқибатлари қонунда назарда тутилган бўлмаса, унинг қийматини пул билан тўлаши шартлиги белгиланган.

Ўзбекистон Республикаси Олий хўжалик суди Пленумининг "Иқтисодий судлар томонидан битимларни ҳақиқий эмас деб топиш тўғрисидаги фуқаролик қонун ҳужжатлари нормаларини қўллашнинг айрим масалалари тўғрисида" 2014 йил 28 ноябрдаги 269-сонли қарорининг 7-бандининг иккинчи ҳатбошисида ўз-ўзидан ҳақиқий бўлмаган битимни ҳақиқий эмаслиги оқибатларини қўллаш тўғрисидаги талабни бундай битим ҳуқуқ ва манфаатларига таъсир қилувчи ҳар қандай манфаатдор шаҳс тақдим этиши мумкинлиги, шу билан бирга, суд ўз-ўзидан ҳақиқий бўлмаган битим ҳақиқий эмаслигининг оқибатларини ўз ташаббуси билан ҳам қўллашга ҳақли эканлиги ҳақида тушунтириш берилган.

Юқоридаги Пленум қарорининг 26-бандида битимнинг ҳақиқий эмаслиги оқибатларини қўллашда суд, қарорнинг ҳулоса қисмида ИПКнинг 180-моддасига мувофиқ пул маблағларининг ундирилишини, мол-мулкнинг олиб берилишини кўрсатиши лозимлиги кўрсатилган.

Жавобгарнинг даъвогар олдидаги 2 435 319 192,85 сўм қарздорлик факти иш хужжатларида мавжуд солиштирма далолатнома, бажарилган ишлар далолатномалари, хисобварақ-фактуралар, ишда иштирок этувчи шахслар вакилларининг берган тушунтиришлари ва бошқа ишга алоқадор хужжатлар каби далиллар билан ўз исботини топган.

Қайд этилганларга кўра, тарафлар ўртасида расмийлаштирилган 2023 йил 1 апрелдаги 3 ва 4-сонли шартномалар ўз-ўзидан ҳақиқий эмас деб ҳисобланса-да, даъвогар томонидан 2023 йил давомида шартномада назарда тутилган ишлар бажарилганлиги, жавобгар томонидан қарздорлик тан олинганлигини инобатга олиб, суд ўз ташаббусига кўра битимнинг ҳақиқий эмаслигининг оқибатларини қўллаб, жавобгар томонидан тан олинган ва ҳужжатлар билан тасдиқланган 2 435 319 192,85 сўм қарздорликни жавобгар ҳисобидан даъвогар фойдасига ундиришни лозим топади.

ИПКнинг 118-моддаси биринчи қисмига кўра, суд харажатлари ишда иштирок этувчи шахсларнинг қаноатлантирилган даъво талаблари миқдорига мутаносиб равишда уларнинг зиммасига юклатилиши белгиланган.

"Давлат божи тўғрисида"ги Ўзбекистон Республикаси Қонунига илова сифатида тасдиклаган Давлат божи ставкаларининг микдорига кўра, Иктисодий судларга бериладиган мулкий хусусиятга эга даъво аризаларидан даъво баҳосининг 2 фоизи микдорида, бирок БҲМнинг 1 бараваридан кам бўлмаган микдорда давлат божи ундирилиши белгиланган.

Юқоридагиларга кўра, суд даъво аризаси киритилишида давлат божи ва почта харажатлари тўланмаганлиги, даъво талабларини қаноатлантириш рад қилинганлигини инобатга олиб, суд харажатларини даъвогар зиммасига юклашни, даъво талаби $2\,435\,319\,192,85\,$ сўмнинг $2\,$ фоизи, яъни $48\,706\,383,86\,$ сўм миқдоридаги ($2\,435\,319\,192,85\,$ х $2\%=48\,706\,383,86\,$) давлат божини даъвогар

хисобидан республика бюджетига ундиришни, олдиндан тўланган 34 000 сўм почта харажатини даъвогар зиммасида қолдиришни лозим топади.

Юкоридагиларга асосан Ўзбекистон Республикасининг Иктисодий процессуал кодекси 66, 68, 75, 118, 170, 176-180, 186-моддаларини кўллаб, суд

КАРОР КИЛДИ:

Ўзбекистон Республикаси Савдо-саноат палатаси Сирдарё вилояти худудий бошқармасининг даъво аризасини қаноатлантириш рад қилинсин.

2023 йил 1 апрелдаги 3-сонли ва 2023 йил 1 апрелдаги 4-сонли давлат мактабгача таълим ташкилотларида аутсорсинг усулида овкатлантиришни ташкил этиш тўгрисидаги шартномаларнинг хакикий эмаслиги окибатлари кўлланилсин.

Жавобгар Мирзаобод туман мактабгача ва мактаб таълими бўлими хисобидан даъвогар "INNAVATION-OUTSOURCING-SERVICE" масъулияти чекланган жамияти фойдасига 2 435 319 192,85 сўм пул маблағи ундирилсин.

Даъвогар "INNAVATION-OUTSOURCING-SERVICE" масъулияти чекланган жамияти ҳисобидан Республика бюджетига 48 706 383,86 сўм давлат божи ундирилсин.

Олдиндан тўланган 34 000 сўм почта харажатлари даъвогар "INNAVATION-OUTSOURCING-SERVICE" масъулияти чекланган жамияти зиммасида қолдирилсин.

Хал қилув қарорининг кўчирма нусхаси тарафларга юборилсин.

Хал қилув қарори қабул қилингандан кейин бир ойлик муддат ўтгач қонуний кучга киради.

Хал қилув қарори қонуний кучга киргач, ижро варақаси берилсин.

Хал қилув қарори устидан у қабул қилинган кундан эътиборан бир ойлик муддатда шу суд орқали Сирдарё вилоят судининг иқтисодий ишлар бўйича судлов ҳайъатига апелляция тартибида ёки қонуний кучга кирган ва апелляция тартибида кўрилмаган ҳал қилув қарори устидан у қонуний кучга кирган кундан эътиборан олти ой ичида кассация тартибда шикоят қилиш (протест келтириш) мумкин.

Раислик қилувчи

М.Холиков

